

Bilten



Općinski sud u Sarajevu
Општински суд у Сарајеву
Sarajevo Municipal Court

April 2013.
Izdanje br. 24

Općinskog suda u Sarajevu



Janja Jovanović, v.d. predsjednica suda, susrela se sa novoimenovanim sudijama i stručnim saradnicima




Janja Jovanović,
v.d. predsjednica Općinskog suda u Sarajevu



Uposlenici Općinskog suda u Sarajevu svečano ispratili Gorana Salihovića, bivšeg predsjednika

▼ Janja Jovanović, v.d. predsjednica suda



Sutkinja Janja Jovanović imenovana za vršioca dužnosti predsjednice Općinskog suda u Sarajevu

Na sjednici održanoj 29.01.2013. godine Visoko sudsko i tužilačko vijeće BiH donijelo je Odluku o imenovanju vršioca dužnosti predsjednice Općinskog suda u Sarajevu. Za vršioca dužnosti imenovana je sutkinja Janja Jovanović. Imenovana će poslove v.d. predsjednice suda obavljati do imenovanja novog predsjednika/predsjednice sarajevskog Općinskog suda. Prilikom imenovanja, VSTV BiH je uzelo u obzir, između ostalog, dosadašnje radno iskustvo, stručno znanje i radne rezultate kao i činjenicu da je imenovana predsjednica Izvršnog odjeljenja pomenutog suda te da je do sada mijenjala predsjednika u njegovoj odsutnosti.

Od 2005. godine funkciju predsjednika najvećeg suda u BiH obnašao je Goran Salihović koji je odlukom VSTV-a BiH imenovan

za glavnog tužioca Tužilaštva BiH i tu funkciju je zvanično preuzeo 01.02.2013. godine.

Predsjednica Janja Jovanović rođena je 01.09.1953. godine u Mokrom, a odrasla u Sarajevu na Džidžikovcu. Udata, majka dvoje djece. Od 1972. do 1976. godine studirala je pravo na Pravnom fakultetu Univerziteta u Sarajevu. Pravosudni ispit položila također u Sarajevu. Nakon završenog Pravnog fakulteta zaposlila se u Općini Centar gdje je radila kao pomoćnik sekretara Sekretarijata za stambene, imovinsko-pravne poslove i katashtar, a nakon toga je prešla u Pravobranilaštvo Grada Sarajeva i preuzela dužnost pomoćnika pravobranioca Grada. Od jula 1997. godine počinje raditi u Međunarodnoj organizaciji, Komisiji za imovinske zahtjeve raseljenih lica i izbjeglica (CRPC). Prvo je vodila mobilni

tim, a ubrzo je preuzela poslove pravnog savjetnika, zatim tim lidera i na kraju obavljala je funkciju šefa odjeljenja.

Nakon prestanka rada međunarodne organizacije CRPC, dva mjeseca je radila kao predsjednik Prekršajnog odjeljenja Federalnog ministarstva za rad i socijalna staranja.

Za sudiju Općinskog suda u Sarajevu izabrana je 15.12.2003. godine i raspoređena je kao sudija u Izvršnom odjeljenju, a za predsjednicu Izvršnog odjeljenja Suda imenovana je 2008. godine.

Predsjednica Jovanović je i edukator u Centru za edukaciju sudija i tužilaca FBiH (CEST FBiH), a nekoliko puta je bila učesnica regionalnih konferencija na temu primjene odredaba Zakona o izvršnom postupku (ZIP) te povremeno objavljuje stručne radove. ■

Uposlenici Općinskog suda u Sarajevu svečano ispratili Gorana Salihovića, bivšeg predsjednika

Nakon što je odlukom Viskog sudskog i tužilačkog vijeća BiH imenovan za glavnog tužioca Tužilaštva BiH, Goran Salihović, dotadašnji pred-

sjednik Općinskog suda u Sarajevu, položio je 29.01.2013. godine svečanu zakletvu u prostorijama Tužilaštva BiH. Isti dan uposlenici sarajevskog Općin-

skog suda organizovali su ispraćaj predsjedniku Salihoviću koji je na čelu ovog suda bio od 2005. do početka 2013. godine. ■



▼ Detalji sa ispraćaja



ODLUKA O IMENOVANJU SLUŽBENI GLASNIK BiH BR. 1/13

Na osnovu člana 17. stav 1. tačka 2. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07 i 15/08), Visoko sudsko i tužilačko vijeće Bosne i Hercegovine je, na sjednici održanoj 12.12.2012. godine, donijelo

ODLUKU O IMENOVANJU TUŽIOCA I GLAVNOG TUŽIOCA U TUŽILAŠTVO BOSNE I HERCEGOVINE

I
Za tužioca i glavnog tužioca u Tužilaštvo Bosne i Hercegovine, imenuje se Goran Salihović.

II
Prilikom imenovanja Visoko sudsko i tužilačko vijeće Bosne i Hercegovine je uzelo u obzir kvalifikacije, znanje i iskustvo imenovanog kandidata. Imenovani kandidat se istakao, između ostalih prijavljenih kandidata, svojim prethodnim stručnim dostignućima, sposobnošću za obavljanje poslova tužioca i rukovodioca, mogućnošću analiziranja pravnih problema, po pokazanoj nezavisnosti, nepristrasnosti, integritetu, revnosti i odgovornosti u obavljanju dužnosti, kao i komunikativnosti i zrelosti prilikom odlučivanja. Vijeće smatra da ovaj kandidat u potpunosti ispunjava uslove za imenovanje propisane u članu 43. Zakona o Visokom sudskom i tužilačkom vijeću Bosne i Hercegovine.

III
Imenovani preuzima dužnost 1.2.2013. godine.

IV
Ova odluka stupa na snagu danom donošenja.

V
Odluka će biti objavljena u "Službenom glasniku BiH" u skladu sa članom 45. Zakona o Visokom sudskom i tužilačkom vijeću Bosne i Hercegovine.

Broj 04-02-2093-326/2012
12. decembra 2012. godine

Predsjednik
Milorad Novković, s. r.

Janja Jovanović, v.d. predsjed sastanak sa ministricom Mini



▲ Detalji sa održanog sastanka

Povodom prijedloga smanjenja budžeta Općinskom sudu u Sarajevu za čak 2 miliona KM, Janja Jovanović, v.d. predsjednice suda, održala je 18.02.2013. godine sastanak sa Velidom Memić, ministricom Ministarstva pravde i uprave Kantona Sarajevo.

Nakon pozdravne riječi, predsjednica Jovanović izrazila je zabrinutost zbog prijedloga za umanjene budžeta Općinskom sudu u Sarajevu za 2013. godinu. Ona je istakla da se radi o velikom smanjenju i da najveći sud u BiH ne može funkcionisati bez tih sredstava te da je potrebno uštede planirati tamo gdje to neće prouzrokovati veću štetu. Uz ovako smanjen budžet Sud može maksimalno raditi pet mjeseci. S obzirom na prethodno, predsjednica je obavijestila ministricu da je u toku priprema primjedbi od strane Suda na nacrt budžeta, a isti će biti dostavljeni ministrici i premijeru Kantona Sarajevo s nadom da će biti uvaženi.

Pored toga, predsjednica Jovanović

je obavijestila ministricu o problemu velikog i kontinuiranog priliva predmeta radnih sporova, a gdje su tuženi Kanton Sarajevo ili druge budžetske institucije. Troškovi ovih sporova su enormni, čak znatno veći od glavnog potraživanja, te se na taj način sredstva iz budžeta nepotrebno troše. U vezi sa tim predsjednica je pozvala ministricu da pomogne koliko je to moguće te da se zaustavi praksa utuživanja i naplate zakonom predviđenih naknada putem suda na način da se pristupi pregovorima, zaključi nagodba ili da se ponude neka druga rješenja kojima bi se izbjeglo plaćanje enormnih sudskih troškova.

Na sastanku je bilo riječi i o Zakonu o taksama Kantona Sarajevo. U vezi sa tim predsjednica Jovanović je obavijestila ministricu da se Općinski sud u Sarajevu u nekoliko navrata obraćao Ministarstvu za zahtjevom za izmjenu ovog Zakona jer su takse u pojedinim sudskim predmetima apsolutno nenaplative

nice Općinskog suda u Sarajevu, održala starstva pravde i uprave Kantona Sarajevo

zbog čega trpi budžet Kantona. Navedeno je da pomenuti Zakon pogrešno oslobađa od plaćanja takse određene kategorije tužitelja te da bi hitno trebalo pokrenuti proceduru za izmjene i dopune istog. Kao primjer navedena su javna komunalna preduzeća koja su oslobođena od plaćanja sudske takse zbog čega isti olako pokreću postupke male vrijednosti pred sudom. Prema riječima predsjednice Jovanović, javna komunalna preduzeća dva puta godišnje ovom sudu podnesu više stotina hiljada prijedloga za izvršenje kojima se potražuju, pored ostalog, minorni iznosi od 0,50 KM pa do 5,00 KM i tome slični iznosi. Pri tome izvršenik nije niti opomenut da je dužan, nije mu skrenuta pažnja da se njegov dug povećava ukoliko ne plati dugovani iznos itd. Pored toga, a što je najvažnije, često nije utvrđeno da li je uopšte potrošač dobio predmetni račun. Predsjednica Jovanović je dodala da rad suda po nekom od tih predmeta košta oko 80 KM te da bi angažovanje inkasanta vodilo ka efikasnijoj naplati, a uz mnogo manje troškova. “Sud će

nastaviti pokušavati smanjiti broj komunalnih predmeta te će dodatno angažovati saradnike na period od šest mjeseci da pomognu već postojećem osoblju. Međutim, ukoliko se ne preduzmu određeni koraci od strane izvršne i zakonodavne vlasti i odgovornih iz javnih preduzeća, Sud će sve preduzeti da se namirenje novčanog potraživanja za isporučene komunalne usluge izmjesti iz Suda dokazujući da se ti sporovi ne mogu smatrati sudskim” – istakla je predsjednica Jovanović. Tom prilikom ona je zamolila ministricu da svojim autoritetom pripomogne rješavanju pomenutih problema, a naročito da utječe na:

- Povećanje budžeta Općinskom sudu u Sarajevu tako da isti bude na nivou prošlogodišnjeg, plus sredstva potrebna za izmirenje obaveza plaćanja toplog obroka i prijevoza sudijama, a shodno presudi Ustavnog suda;

- Rješavanje problema isplate novčanih potraživanja radnicima koji su budžetski korisnici, a kako bi se

izbjegli troškovi plaćanja advokata te smanjio priliv predmeta;

- Izmjenu Zakona o sudskim taksama KS prema dostavljenim sugestijama, prijedlog za izmjenu ZKP FBiH u vezi sa odbranom po službenoj dužnosti.

Nakon održanog sastanka sa ministricom Memić, predsjednica Jovanović sastala se i sa Suadom Zeljkovićem, premijerom Kantona Sarajevo. Predsjednica je na sastanku zatražila od premijera da se ne umanjuje budžet sarajevskog Općinskog suda, da se plate sudijama i sudskoj administraciji isplaćuju prema ranije utvrđenom prethodnom redu. Ona je insistirala da premijer svojim autoritetom pokuša riješiti problem koji se odnosi na nepotrebno rasipanje budžetskih sredstava na veliki broj radnih sporova pokrenutih protiv Kantona, kao i da pomogne kod izmjena Zakona o sudskim taksama Kantona Sarajevo, a o čemu je bilo riječi i na sastanku sa ministricom Ministarstva pravde i uprave Kantona Sarajevo. ■





▲ Norveški eksperti na sastanku u Kabinetu Janje Jovanović, v.d. predsjednice suda

U sklopu posjete Bosni i Hercegovini norveški eksperti posjetili i Općinski sud u Sarajevu



Norveški eksperti za sudsku nagodbu, g-din. Wiggo Storhaug Larssen, g-din. Rune Lium i g-đa. Marianne Fallan Kristensen, angažovani u okviru Projekta unapređenja efikasnosti pravosuđa, boravili su u Bosni i Hercegovini u periodu od 11. do 14.03.2013. godine. Tom prilikom posjetili su i Općinski sud u Sarajevu te se sastali sa Janjom Jovanović, v.d. predsjednice Općinskog suda u Sarajevu. Eksperti su prisustvovali i ročištima sudija/ stručnih saradnika Općinskog su-

da u Sarajevu koji učestvuju u Projektu te održali konsultativne sastanke sa njima.

Tokom boravka u BiH eksperti su posjetili Općinski sud u Tuzli, Osnovni sud u Zvorniku i Modriči gdje su također razgovarali sa predsjednicima sudova, prisustvovali izabranim ročištima te održali konsultativne sastanke sa sudijama i stručnim saradnicima.

Cilj posjete norveških sudija, kao i prisustva na ročištima, bio je praćenje primjene znanja i vještina stečenih tokom edukacija na temu

sudske nagodbe kao i neposredni uvid u rad sudova i postupajućih sudija, u svrhu boljeg razumijevanja rada i postupanja bh. sudija i stručnih saradnika te usmjerenja daljnjih aktivnosti u okviru pilot projekta. Prilikom sljedećih posjeta norveških stručnjaka predviđene su posjete i preostalim ciljnim sudovima Projekta - Općinskom sudu u Mostaru i Osnovnom sudu u Prijedoru. ■

Na Vlašiću održan XIV sastanak Timova za upravljanje promjenama Općinskog suda u Sarajevu i Osnovnog suda u Banjoj Luci



▼ Sastanak TZUP-a sarajevskog i banjalučkog suda

Sastanak Timova za upravljanje promjenama Općinskog suda u Sarajevu i Osnovnog suda u Banjoj Luci održan je 21. i 22. marta 2013. godine na Vlašiću, a uz finansijsku podršku USAID JSDP II. Osim Janje Jovanović, v.d. predsjednice Općinskog suda u Sarajevu, i Milana Tegeltije, predsjednika Osnovnog suda u Banjoj Luci, ovom XIV po redu sastanku TZUP-a prisustvovali su i predsjednici sudskih odjeljenja ova dva suda, predstavnici USAID JSDP II i Visokog sudskog i tužilačkog vijeća BiH, Goran Salihović, glavni tužilac Tužilaštva BiH, Duško Milošević, predsjednik Osnovnog suda u Prijedoru te Goran Dujić,

predsjednik Općinskog suda u Travniku.

Tokom prvog radnog dana analizirani su godišnji izvještaji o radu sarajevskog i banjalučkog suda kao i realizacija norme prema novim orijentacionim mjerilima. Poseban akcenat stavljen je na stare, zaostale predmete čije će se rješavanje uzeti kao prioritarno shodno godini zaprimanja, a o čemu će predsjednici sudova redovno izvještavati Visoko sudsko i tužilačko vijeće BiH. Na sastanku je posebna pažnja posvećena učinkovitom i djelotvornom upravljanju privrednim sporovima pred sudom, odnosno zaštiti domaćih i stranih investicija kroz učinkovito upravljanje privred-

nim sporovima, a bilo je govora i o stečajnom postupku.

Tokom drugog radnog dana jedna od tema sastanka bila je „Pristup karijerama u pravosuđu i jačanje mobilnosti unutar sektora pravde“, a što se odnosilo na izbor, imenovanje i napredovanje nosilaca pravosudnih funkcija, objektivnost izbora i transparentnost procedure, jačanje kadrovske baze pravosuđa u BiH te jačanje povjerenja javnosti u rad bh. sudova. Inače, zajednički sastanci Timova za upravljanje promjenama Općinskog suda u Sarajevu i Osnovnog suda u Banjoj Luci osnovani su radi uspješnog provođenja pravosudne reforme unutar su-

[Nastavak na 8. stranici >>](#)

Nastavak sa 7. stranice >>

dova čiji je cilj efikasniji i ekonomičniji rad suda, smanjenje broja zaostalih predmeta, unapređenje pristupa sudu i ostvarenja pravde, razmjena iskustava, definisanje aktuelnih problema u pravosuđu i društvu uopšte te informisanje nadležnih institucija i sredstava informisanja o istim. Na sastanku učestvuju predsjednici sudova i sudskih odjeljenja oba suda, rukovodioci sudske uprave, predstavnici Visokog sudskog i tužilačkog vijeća Bosne i Hercegovine te predstavnici međunarodnih organizacija i donatora pravosudnog sistema BiH. ■



▲ Detalji sa održanog sastanka

Studenti sarajevskog, mostarskog, banjalučkog i tuzlanskog Univerziteta boravili u sarajevskoj Palati pravde

Već po drugi put do sada Općinski sud u Sarajevu je 27.03.2013. godine ugostio 24 studenta sa Univerziteta u Sarajevu, Mostaru, Banjoj Luci i Tuzli. Studenti su bili učesnici predavanja o Komparativnom ustavnom pravu i Pravu EU, a sve u organizaciji Ambasade Malte u BiH te Pravnog fakulteta Becerius iz Hamburga (Njemačka). Predavanja za studente održana su u jednoj od edukativnih sala Općinskog suda u Sarajevu. Studenti su tom prilikom imali mogućnost da kroz intenzivne lekcije, diskusiju i analizu velikog broja sudskih predmeta u Evropi, Americi, Južnoj Africi i drugim zemljama prošire svoja znanja iz oblasti Ustavnog i EU prava. ■



▲ Studenti sa profesoricom

Janja Jovanović, v.d. predsjednice suda, susrela se sa novoimenovanim sudijama i stručnim saradnicima



▼ Novoimenovane sudije Općinskog suda u Sarajevu na prijemu u Kabinetu Janje Jovanović, v.d. predsjednice suda

Janja Jovanović, v.d. predsjednice Općinskog suda u Sarajevu, ugostila je 29.03.2013. godine novoimenovane sudije i stručne saradnike Općinskog suda u Sarajevu. Nakon pozdravne riječi, predsjednica je prisutne ukratko informisala o radu sarajevskog Suda te o budućim planovima i aktivnostima koje će se poduzeti s ciljem efikasnijeg i bržeg rješavanja sudskih predmeta i postizanja ažurnosti u svim referatima.

Predsjednica je također obavijestila novoimenovane sudije i stručne saradnike na koje će referate biti raspoređeni, s tim da će se rotacija, odnosno promjena referata stručnih saradnika, vršiti svake dvije godine.

Inače, pri donošenju odluke o imenovanju na poziciju sudije ili stručnog saradnika VSTV BiH je uzeo u

obzir kriterije poput: stručnog znanja, radnog iskustva i radnih rezultata; stručne sposobnosti zasnovane na dosadašnjim rezultatima u karijeri; sposobnosti da nepristrano, savjesno, marljivo, odlučno i odgovorno obnaša dužnosti u okviru funkcije za koju se prijavljuje; od-

nosa sa radnim kolegama, ponašanja van posla, profesionalne nepristranosti, ugleda i iskustva na rukovodećim poslovima.

Novoimenovane sudije i stručni savjetnici na dužnost su stupili 1. 04.2013. godine. ■



▲ Novoimenovani stručni saradnici

U Općinskom sudu u Sarajevu tokom 2012. godine riješeno čak 209.282 predmeta i ostvarena norma od 154,84%

Na početku 2012. godine u Općinskom sudu u Sarajevu bilo je ukupno 838.590 neriješenih predmeta. Tokom godine zaprimljeno je 252.622 nova predmeta te je u radu ukupno bilo 1.091.212 neriješena predmeta. Od tog broja riješeno je 209.282, dok je neriješenih ostalo 881.930

predmeta. Ostvarena godišnja norma na nivou suda iznosi 154,84%.

Od ukupnog broja neriješenih predmeta, 828.351 (93,92%) su komunalni predmeti dok je 53.579 ili samo 6,08% predmeta strukture. ■

OPĆINSKI SUD U SARAJEVU

Tabela I - Protok predmeta za 2012. godinu

Vrsta predmeta	Broj neriješenih predmeta na početku perioda	Broj primljenih predmeta tokom izvještajnog perioda	Ukupan broj svih predmeta u radu	Broj predmeta koji su riješeni u izvještajnom periodu	Broj neriješenih predmeta	Period potreban za eliminaciju neriješenih predmeta
	I	II	III = I+II	IV	V = III-IV	VI = V/IV

Parnično odjeljenje - (19 sudija) - prosjek 315 predmeta po ref. - bilo 3.000

P	4.985	4.026	9.011	4.562	4.449	0,98
Radni	439	1.593	2.032	525	1.507	2,87
Porodični	31	0	31	4	27	6,75
Ukupno	5.455	5.619	11.074	5.091	5.983	1,18

Radno odjeljenje - (15 sudija) - prosjek 320 predmeta po referatu - bilo 3.000

P	989	276	1.265	1.141	124	0,11
Radni	2.865	4.519	7.384	2.707	4.677	1,73
Porodični	5	0	5	2	3	1,50
Ukupno	3.859	4.795	8.654	3.850	4.804	1,25

Porodično odjeljenje - (5 sudija) - prosjek 151 predmeta po referatu - bilo 2.974

P	6	0	6	4	2	0,50
Radni	47	5	52	12	40	3,33
Porodični	726	1.107	1.833	1.119	714	0,64
Ukupno	779	1.112	1.891	1.135	756	0,67

Privredno odjeljenje - (10 sudija) - prosjek 272 predmeta po referatu - bilo 3.122

Ps	2.215	2.363	4.578	2.210	2.368	1,07
L	360	218	578	284	294	1,04
St	52	44	96	40	56	1,40
Ukupno	2.627	2.625	5.252	2.534	2.718	1,07

Krivično odjeljenje - (12 sudija) - prosjek 142 predmeta po referatu - bilo 545

K	1.243	1.374	2.617	1.657	960	0,58
Kpp	94	1.710	1.804	1.746	58	0,03
Kps	381	1.606	1.987	1.469	518	0,35
Kr	0	0	0	0	0	#DIV/0!
Km	168	130	298	172	126	0,73
Kv	52	1.533	1.585	1.547	38	0,02
Kp	0	0	0	0	0	#DIV/0!
Ukupno	1.938	6.353	8.291	6.591	1.700	0,26

IKS	285	547	832	576	256	0,44
-----	-----	-----	-----	-----	-----	------

Izvršno odjeljenje - " I " - (20 sudija) - prosjek 986 pred./ref. - bilo 60.000

I	12.787	14.431	27.218	11.962	15.256	1,28
Ip	1.273	116	1.389	683	706	1,03
POM	18	25	43	5	38	7,60
RTV	4.476	0	4.476	753	3.723	4,94
Ukupno	18.554	14.572	33.126	13.403	19.723	1,47

Izvršno odjeljenje - " Ip " - (4 sudija) - prosjek 638 pred./ref. - bilo 60.000

I	1.651	28	1.679	773	906	1,17
Ip	1.349	2.039	3.388	1.743	1.645	0,94
POM	3	2	5	3	2	0,67
Ukupno	3.003	2.069	5.072	2.519	2.553	1,01

Vanparnično odjeljenje - (3 sudija V ref.) - prosjek 112 pred./ref. - bilo 3.008

V	341	1.093	1.434	1.098	336	0,31
O	2.322	6.076	8.398	6.186	2.212	0,36
Ostalo*	0	26	26	26	0	0,00
Ukupno	2.663	7.195	9.858	7.310	2.548	0,35

Prekršajno odjeljenje - Privreda (6 sudija) - 266 prosjek pred./ref. - bilo 4.000

Pr	2.911	2.488	5.399	3.804	1.595	0,42
Ips	2.123	1.110	3.233	834	2.399	
Ukupno	5.034	3.598	8.632	4.638	3.994	0,86

Prekršajno odjeljenje - Opšta nad. (11 sudija) - 157 prosjek pred./ref. - bilo 4.000

Pr	3.483	4.764	8.247	6.518	1.729	0,27
Ips	5.449	2.630	8.079	1.676	6.403	
Ukupno	8.932	7.394	16.326	8.194	8.132	0,99

Odjeljenje registra za upis pravnih lica - (4 sudija) - prosjek 83 predmeta po referatu - bilo 562

Registracija poslovnih subjekata	308	4.254	4.562	4.231	331	0,08
----------------------------------	-----	-------	-------	-------	-----	------

ZK referat - (26 referenata) - prosjek 3 predmeta po referatu - bilo 4.200

ZK predmeti	94	26.334	26.428	26.347	81	0,00
-------------	----	--------	--------	--------	----	------

Odjeljenje za sporove male vrijednosti - (12 str.sar.) - prosjek 11.729 /ref

Mal	129.580	32.142	161.722	27.461	134.261	4,89
Mals	6.203	4.934	11.137	4.643	6.494	1,40
PL	0	0	0	0	0	#DIV/0!
PLP	0	0	0	0	0	#DIV/0!
POM	0	0	0	0	0	#DIV/0!
Ukupno	135.783	37.076	172.859	32.104	140.755	4,38

Izvršno odjeljenje po vjerodostojnim ispravama (2 str.sar.) prosjek 343.798 /ref.

I	628.645	129.079	757.724	90.759	666.965	7,35
Ip	20.631	0	20.631	0	20.631	#DIV/0!
Ostalo*	0	0	0	0	0	#DIV/0!
Ukupno	649.276	129.079	778.355	90.759	687.596	7,58

Ukupno	838.590	252.622	1.091.212	209.282	881.930	4,21
---------------	----------------	----------------	------------------	----------------	----------------	-------------

2012.g.

OD UKUPNO 881.930 NERIJEŠENIH PREDMETA,
828.351 ILI 93,92 % ČINE KOMUNALNI PREDMETI,
DOK JE 53.579 ILI 6,08 % STRUKTURNIH PREDMETA.

53.579	Struktura
-22.276	Izvršni - struktura
-12.126	Prekršaji
-81	ZK
-331	Registar
-256	Iks - referat
18.509	2,10% - parnica i krivica -

2011.g.

OD UKUPNO 837.590 NERIJEŠENIH PREDMETA,
785.059 ILI 94,59% ČINE KOMUNALNI PREDMETI,
DOK JE 53.531 ILI 6,4% STRUKTURNIH PREDMETA.

53.531	Struktura
-21.557	Izvršni - struktura
-13.966	Prekršaji
-94	ZK
-308	Registar
-285	Iks - referat
17.321	2,06% - parnica i krivica -


Ostvarena norma po odjeljenjima:

Odjeljenje	Norma
Parnično	103,02%
Radno	112,43%
Porodično	124,05%
Privredno	109,27%
Krivično	200,33%
Izvršno - " I "	102,03%
Izvršno - " Ip "	92,99%
Vanparnično	134,77%
Prekršajno - Privreda	116,61%
Prekršajno - Opšta nadležnost	102,74%
Registracija poslovnih subjekata	146,90%
Odjeljenje za sporove male vrijednosti	179,89%
Izvršno - po vjerodostojnim ispravama	1189,21%
ZK	93,65%
NORMA SUDA	154,84%

Kvalitet rada suda :	90,05%
----------------------	---------------

IZVJEŠTAJ O RJEŠAVANJU PO ZAHTJEVIMA O ČINJENICAMA IZ SUDSKE EVIDENCIJE

Vrsta zahtjeva	Broj neriješenih predmeta na početku perioda	Broj primljenih predmeta tokom izvještajnog perioda	Ukupan broj svih predmeta u radu	Broj predmeta koji su riješeni u izvještajnom periodu	Broj neriješenih predmeta
Su	0		0		0
Su-M	0		0		0
Registar privrednih društava-RF	21	6971	6992	6970	22
Prekršajno odjeljenje (uvjerenja)	0	14491	14491	14491	0
Krivično odjeljenje	0	2605	2605	2605	0
Stečaj i Likvidacija	0	2775	2775	2775	0
ZK - Izvodci	0	70584	70584	70584	0
Zk -RZ	0	6654	6654	6654	0
Apostile	0	0	0	0	0
Ostalo ("P", rod. i posl. Sposob)	0	192	192	192	0
Ukupno	21	104272	104293	104271	22



Parnično odjeljenje (Ostvarena norma 103,02%)

U Parničnom odjeljenju ovog suda tokom protekle godine bilo je raspoređeno 19 sudija. Na početku 2012. godine u ovom odjeljenju je bilo 5.455 neriješenih, tokom izvještajnog perioda zaprimljeno je 5.619 novih predmeta tako da je u radu bilo ukupno 11.074. Od tog broja riješen je 5.091, neriješenih ostalo 5.983 predmeta. U ovom odjeljenju prosječan broj predmeta po sudiji iznosi 315 predmeta.

Osnovni razlog povećanja broja neriješenih predmeta je što su sudije na Parničnom odjeljenju u određenom vremenskom periodu (IV kvartal 2012. godine) pored redovnog prijema parničnih predmeta zaprimale i radne predmete te je prema evidenciji protoka predmeta za 2012. godinu vidljivo da je tokom iste godine priliv radnih predmeta bio 1.593 te se isti u relativnom kratkom vremenu nije mogao riješiti.

Važno je napomenuti da je u većini parničnih predmeta duži rok rješavanja, a što je uzrokovano raznim vrstama parničnih radnji kojima stranke disponiraju u toku postupka. Do produženja rokova i trajanja predmeta dolazi zbog kompleksnosti postupka jer koncen-

traciju dokaza nije moguće odrediti samo za jednu raspravu (predmeti u kojima je određeno više vrsta vještačenja, uviđaji, saslušanje stranaka, saslušanje većeg broja svjedoka i sl.). U određenom broju predmeta u kojima je veći broj tužitelja, odnosno tuženih koja su fizička lica, tužitelj iz objektivnih razloga nije u mogućnosti dostaviti tačnu adresu za jedan duži period; u većini predmeta ročišta se zakazuju i nakon 30 dana uz konsultaciju, a na saglasan prijedlog parničnih stranaka, odnosno njihovih punomoćnika. Relativno dugo trajanje postupaka leži u činjenici što u određenom broju predmeta dolazi do prekida postupka jer se čeka rješavanje upravnog, krivičnog ili ostavinskog postupaka. Navedeni razlozi su samo neki od objektivnih i stvarnih uzroka nemogućnosti brzog i efikasnog rješavanja parničnih predmeta.

Posebna pažnja na Odjeljenju posvećena je radu i rješavanju starih, kao i zaostalih predmeta, a u skladu sa Uputstvom Viskog sudskog i tužilačkog vijeća BiH. Iz evidencije o broju starih predmeta je vidljivo da su sudije smanjile broj starih neriješenih predmeta, što je rezultat izuzetnih napora u savladavanju propisane mjesečne norme te su sudije Parničnog odjela u stalnom nastojanju da se savlada i tekući priliv predmeta, da se smanje zaostaci u broju neriješenih predmeta te se kontinuirano radi na prebačanju norme. ■

▼ Šalter-sala Općinskog suda u Sarajevu



Pored rada na izradi sudskih odluka, vođenju ročišta, proučavanju zakona i stručne literature, sudije su tokom 2012. godine imale i druge neophodne aktivnosti kao što su učestvovanje na seminarima i stručnim savjetovanjima iz građansko-pravnih oblasti, a određeni broj sudija je i obavljao funkciju edukatora na stručnim seminarima.

Značajno je istaći da se na redovnim sastancima Odjeljenja razmatra tekuća problematika u radu Odjeljenja te se analiziraju izvještaji o radu suda pojedinačno za svaki mjesec, kao i u određenim periodima, razmatraju se izmjene zakonskih propisa kao i sudska praksa u pojedinim oblastima.

Zapažen je uspjeh u radu parničnog odjeljenja i kada se ima u vidu kvalitet sudskih odluka. Imajući u vidu prethodno, može se reći da sudije ovog Odjeljenja u organizaciji izuzetno obimnog i odgovornog rada pokazale kvalitet rada uz dosljedno poštovanje zakonske procedure i pružanju efikasne sudske zaštite prava te uz stalnu aktivnost na poboljšanju kvaliteta predmeta i smanjenju vremenskog roka trajanja predmeta u njegovoj obradi. ■

Radno odjeljenje

(Ostvarena norma 112,43%)

U 2012. godini u Odjeljenju za radne sporove bilo je raspoređeno 15 sudija. U prosjeku sudije su u radu imale oko 320 predmeta i bile su zadužene predmetima iz sporova radnih, građanskih i porodičnih odnosa. Na početku izvještajnog perioda u Odjeljenju je bilo u radu 3.859 predmeta i to Rs predmeta 2.865, P predmeta 989 i pet predmeta iz porodičnih sporova. Tokom godine primljeno je 4.795 predmeta i to 4.519 Rs predmeta, 276 P predmet, tako da je tokom bilo u radu 8.654 predmeta. Od tog broja riješeno je 3.850 predmeta i to 2.707 Rs predmeta, 1.141 P predmeta i dva predmeta iz porodičnih sporova te je ostalo neriješenih 4.804 predmeta (Rs predmeta 4.677, P predmeta 124 i tri predmeta iz porodičnih sporova). Odjeljenje je ostvarilo normu u procentu od 112,43 % ali priliv nije savladan zbog toga što je u toku 2012. godine zaprimljeno čak 4.555 novih predmeta.

U toku izvještajnog perioda sudije ovog Odjeljenja su u radu imale i predmete sa zahtjevima za donošenje rješenja o određivanju privremenih mjera i mjera osiguranja pa su u skladu sa odredbama ZPP-a donosili rješenja, ali kako se navedene odluke ne evidentiraju, iste nisu mogle biti prikazane u izvještaju. Sudije ovog Odjeljenja su u toku 2012. godine postupale po Uputstvu za rješavanje starih predmeta jer su na kraju go-

dine riješili 814 P predmeta. U ovom Odjeljenju ostalo je neriješenih 124 P predmeta i tri predmeta iz porodičnih sporova.

Prema gore prikazanim podacima o radu Odjeljenja za radne sporove može se zaključiti da je Odjeljenje postiglo dobre rezultate u pogledu kvantiteta, kvaliteta odluka, kao i u realizaciji Plana rješavanja starih predmeta. ■

Porodično odjeljenje

(Ostvarena norma 124,05%)

Prema podacima iz CMS-a, na početku 2012. godine u ovom odjeljenju bilo je 779 neriješenih predmeta. Tokom 12 mjeseci zaprimljeno je 1.112 novih predmeta te je u radu bilo ukupno 1.891 neriješenih predmeta. Od tog broja riješeno je 1.135, dok je neriješenih ostalo ukupno 756 predmeta. Urađeno je 66,67% starih predmeta. Ostvarena norma 124,05%.

Privremene mjere i mjere osiguranja ne ulaze u broj urađenih odluka (normu), a postupak za donošenje istih je hitan, ima prioritet u radu i iziskuje ponekad više vremena od redovnog postupka po tužbi.

Tokom izvještajnog perioda ovo sudske Odjeljenje je iskazalo izvanredan rezultat kao i svaki put do sada, kako u broju riješenih predmeta, tako i u kvalitetu izrade odluka. Posebno treba naglasiti da je ovo odjeljenje uspjelo savladati priliv i veliki broj odluka je pravosnažan jer stranke nisu uložile žalbu te je na taj način smanjen i broj predmeta za rješavanje na Kantonalnom sudu u Sarajevu.

Pored redovnog rada na izradi odluka, vođenja ročišta, proučavanja zakona i stručne literature, sudije su imale niz važnih i neophodnih aktivnosti u toku 2012. godine i to kao moderatori, edukatori i učesnici okruglih stolova i seminara. Sudije Porodičnog odjeljenja svojom posvećenošću u ovoj pravnoj oblasti i rezultatima rada, kako u kvantitetu, tako i kvalitetu, pokazalo između ostalog opravdanost svog osnivanja. ■

Privredno odjeljenje

(Ostvarena norma 109,27%)

Privredno odjeljenje u kojem trenutno radi 10 sudija vodi postupke privrednih sporova, postupke stečaja i likvidacija. Odjeljenje je jedan period u toku godine radilo sa devet sudija.

Na početku 2012. godine broj neriješenih predmeta u



▲ Pisarnica Općinskog suda u Sarajevu

ovom Odjeljenju iznosio je ukupno 2.627, a na kraju godine ostalo je neriješenih 2.718 predmeta. Privrednih sporova, kao neriješenih predmeta, u pomenutom periodu bilo je 2.215 dok je u toku godine zaprimljeno je 2.363, riješeno 2.210 i na kraju godine je ostalo neriješenih 2.368 predmeta.

Na početku 2012. godine likvidacionih predmeta bilo je 360, zaprimljeno 218, riješeno 284 i na kraju godine ostalo je neriješenih 294 predmeta. Stečajnih predmeta bilo 52, u toku godine zaprimljena su 44 predmeta, riješeno 40 i ostalo neriješenih 56 predmeta.

Rad odjeljenja je ocijenjen kao uspješan, kao i svih prethodnih godina.

U odnosu na ranije godine primijećen je povećan priliv stečajnih predmeta radi čega je u toku godine na rješavanju ovih predmeta angažovan još jedan sudija. Odjeljenje je ispunilo normu prema orijentacionim mjerilima u procentu od 109,27%. U skladu sa uputama VSTV-a BiH, Odjeljenje ispunjava usvojeni plan rješavanja starih predmeta.

Sudije ovog Odjeljenja koje rješavaju privredne sporove jedinstveni su u ocjeni da sadašnja orijentaciona norma koja se odnosi na ovaj referat jeste nerealna, da ne mogu ispuniti zadatu normu i očekuju da će VSTV BiH smanjiti zadatu normu za ovu vrstu

sporova, a sve u skladu sa primjedbama koje je ovo Odjeljenje dostavilo VSTV-u. ■

Krivično odjeljenje (Ostvarena norma 200,33%)

Krivično odjeljenje ovog suda na početku 2012. godine imalo je u radu 1.938 predmeta. U toku godine zaprimljeno je 6.353 predmeta tako da je u radu ukupno bilo 8.291 predmet, a završen je 6.591 predmet. Na kraju godine ostalo je 1.700 neriješenih predmeta.

Iz tabela proizlazi da je u svim fazama postupka savladan priliv, osim u Kps predmetima, a što je rezultat objektivnih uslova. Kada se zaprime optužnice, u 90% slučajeva adrese optuženih nisu tačne pa je potreban period od najmanje dva mjeseca da bi se utvrdile adrese optuženih, a u 100 Kps predmeta postupak se ne može nastaviti jer se adrese nisu mogle pronaći pa su tamo gdje to uvjeti dozvoljavaju raspisane potjernice, a gdje se potjernica ne može raspisati, predmet je na "čekanju".

Veliki problem u radu Krivičnog odjeljenja predstav-

ljaju i takozvani “mrtvi” predmeti. Radi se o predmetima gdje je odluka postala pravomoćna, ali se isti ne može arhivirati pošto je potrebno praćenje tog predmeta da bi se utvrdilo da li je kazna izvršena, da li su ispunjeni uslovi za opoziv, odnosno, brisanje uslovne osude, da li su troškovi naplaćeni i slično. ■

Izvršno odjeljenje „I“ (Ostvarena norma 102,03%)

U Izvršnom odjeljenju „I“ na početku izvještajnog perioda bilo je 18.554 neriješena predmeta, dok je priliv iznosio 14.572 predmeta. Tokom izvještajnog perioda ukupno u radu je bilo 33.126 predmeta. Od tog broja riješeno je 13.403 te je broj neriješenih predmeta iznosio 19.723. Ostvarena norma Odjeljenja je 102,03%.

Izvršni referat je bio dugo zanemaren i sve do reforme pravosuđa 2003. godine na ovom referatu je radilo malo sudija u odnosu na broj predmeta. Također, zbog nerješavanja predmeta u izvršnom postupku, a koji je integralni dio pravosudnog sistema, izvršenici nisu u

paricionom roku ispunjavali utvrđenu obavezu tako da je priliv predmeta bio enorman. Radi prevazilaženja postojeće situacije primljen je veći broj sudija koji su već prilikom rasporeda na izvršni referat zaduženi sa više hiljada predmeta. Sada sudije u referatu imaju prosječno 986 predmeta, od čega veliki broj čine stari predmeti. Osim što su sudije zadužene sa većim brojem neriješenih predmeta i priliv predmeta je enorman tako da se uz izuzetne napore može savladati priliv i rješavati određen broj predmeta koji se nazivaju starim predmetima.

U izvršnom odjeljenju „I“ radi 20 sudija i njihov stalni zadatak je da rade prioritarno na rješavanju starih i zaostalih predmeta, a što je u skladu sa preporukama VSTV i Programom rješavanja starih predmeta koji je donesen na nivou Suda te je i riješen određeni broj starih i zaostalih predmeta.

S obzirom na naprijed navedene brojčane pokazatelje mora se konstatovati da je priliv predmeta enorman, da je i dalje u ovom odjeljenju, bez obzira na uložene napore i ostvarenu normu riješenih predmeta, veliki broj neriješenih predmeta zbog čega postupak dugo traje, a koji mora shodno Zakonu o izvršnom postupku biti brz i efikasan. ■

▼ Elvedina Omerhodžić, šef Sektora za upravljanje predmetima i Amra Ibreljić, šef Sektora sudske uprave



Izvršno odjeljenje „Ip“

(Ostvarena norma 92,99%)

Izvršno odjeljenje u predmetima pravnih lica (Ip odjeljenje) počelo je sa radom 1.11.2010. godine i u njemu su raspoređene četiri sudije. Odjeljenje je osnovano radi efikasnijeg rješavanja predmeta iz ove oblasti i opravdalo je očekivanja obzirom da je u izvještajnom periodu savladan priliv novih predmeta, poboljšana brzina rješavanja starih predmeta i znatno smanjen broj predmeta u radu.

Na početku izvještajnog perioda ovo odjeljenje imalo je 3.003 predmeta, od toga 1.651 „I“ predmeta te 1.349 „Ip“ predmeta te tri POM predmeta. U 2012. godini primljeno je 28 „I“ predmeta, završeno 773 „I“ predmeta te je ostalo 906 „I“ predmeta u radu. Broj zaprimljenih Ip predmeta iznosio je 2.039, a završeno je 1.743 predmeta. To znači da je od ukupnog broja predmeta u radu (5.072) završeno 2.519 predmeta te je u radu ostalo ukupno 2.553 predmeta.

Tokom 2012. godine sudije su prisustvovala seminarima održanim u Centru za edukaciju sudija i tužitelja FBiH, a na redovnim sastancima Odjeljenja ujednačavana je sudska praksa, razmatrani problemi u radu te dostavljane primjedbe i prijedlozi za izmjene i dopune Zakona o izvršnom postupku te Pravilnika o

orijentacionim mjerilima za rad sudija. I pored znatno povećane norme od 1. juna 2012. godine koja iznosi 86 predmeta umjesto dotadašnjih 50 predmeta, ovo Odjeljenje je ostvarilo godišnji prosjek norme od 93,74%. U prosjeku sudije ovog Odjeljenja imaju 638 predmeta u radu što i dalje predstavlja veliki broj obzirom da je shodno Zakonu o izvršnom postupku sud dužan postupati hitno. Kada Zakon o izmjenama i dopunama Zakona o izvršnom postupku bude usvojen i stupi na snagu za očekivati je da će ovaj postupak postati kraći, brži, efikasniji i ekonomičniji te da će biti onemogućena svaka zloupotreba prava i odugovlačenje postupka od strane tražitelja izvršenja i izvršenika. ■

Vanparnično odjeljenje

(Ostvarena norma 134,77%)

Na Vanparničnom odjeljenju je raspoređeno troje sudija i pet stručnih saradnika. Sudije osim „V“ predmeta rade i ostavinske predmete u omjeru 30% primljenih „O“ predmeta

Na Vanparničnom odjeljenju ovog suda na početku 2012. godine je bilo 2.663 neriješena predmeta od čega 341 „V“ predmeta i 2.322 „O“ predmeta. Tokom godine primljeno je 7.195 novih predmeta (1.093 „V“



predmeta, 6.076 „O“ predmeta) i 26 Pom predmeta, tako da je ukupno u radu bilo 9.858 predmeta (1.434 „V“ predmeta, 9.858 „O“ predmeta i 26 Pom predmeta).

Od ukupnog broja predmeta, tokom 2012. godine je riješeno 7.310 predmeta i to 1.098 „V“ predmeta, 6.186 „O“ predmeta i 26 Pom predmeta, tako da je na kraju izvještajnog perioda ostalo neriješeno 2.548 predmeta od čega 336 „V“ predmeta, 2.212 „O“ predmeta i nijedan Pom predmet.

Ukupna norma odjeljenja za 2012. godinu iznosi 134,77%, što je izvrstan rezultat odjeljenja s obzirom na činjenicu da su u odjeljenju raspoređeni novi stručni saradnici, a sa 01.12.2012. godine su bez posla ostala dva stručna saradnika koja nisu mogla iskazati normu niti su bili zamijenjeni drugim saradnicima, što je direktno utjecalo kako na broj završenih predmeta tako i na normu odjeljenja.

Jedan od prioriternih zadataka Vanparničnog odjeljenja tokom 2012. godine je bilo rješavanje starih zaostalih predmeta od kojih je veliki procenat urađen, a za preostale stare predmete je napravljen plan prioriternog rješavanja. Ova vrsta predmeta je rađena na osnovu Plana rješavanja starih predmeta u koju svrhu su se održavali i sastanci sa stručnim saradnicima na odjeljenju najmanje jednom mjesečno.

U 2012. godini je primljeno 7.195 predmeta te je vidljivo, u odnosu na prethodne godine, da je došlo do znatnog povećanja priliva, prvenstveno ostavinskih predmeta. I pored ovog podatka kao naprijed navedenog o raspoređenosti novih stručnih saradnika i prekidu radnog odnosa za dva saradnika, rezultati rada, odnosno ostvarena norma ovog odjeljenja je u 2012. godini je bila odlična, čak 134,77%, uz napomenu da je kvalitet rada ovog Odjeljenja izvanredan.

Predlažemo, a u svrhu još boljih rezultata kako u savladavanju priliva tako i posebno u radu na starim predmetima, da se poveća broj stručnih saradnika za rad na ostavinskim predmetima, najmanje za dvoje, i da se na istim poslovima zadrže najmanje dvije godine kako se ne bi često mijenjali na jednom te istom referatu (imamo česte primjedbe i pritužbe stranaka na mijenjanje stručnih saradnika na jednom predmetu). ■

Prekršajno odjeljenje

(Ostvarena norma 109,44%)

Na početku izvještajnog perioda, na dan 01.01.2012. godine, bio je 6.394 nezavršena Pr predmeta, što je sa prilivom za proteklu godinu od 7.252 Pr predmeta ukupno u radu iznosilo 13.646

predmeta. Od navedenog broja predmeta u radu velikim zalaganjem svih 17 sudija kao i administrativnog osoblja urađeno je 10.322 Pr predmeta, iz čega proizlazi da je uveliko savladan priliv predmeta, tj. efikasnost je na zavidnom nivou pa je ostvarena norma u prosječnom iznosu od 109,44%.

Navedeni rezultati su bolji ako se uzme u obzir složenost postupka te da postupajuće sudije u svom radu koriste veliki broj zakona kao što su: Zakon o prekršajima iz oblasti carina, poreza, prekršaja iz oblasti privrede (raniji privredni prijestupi), Zakon o vrijednosnim papirima, Zakon o sprečavanju pranja novca, Zakon o javnom redu i miru, Zakon o nasilju u porodici i ostalih propisa.

Sa drugostepenog suda vraćeno je 657 žalbi, od toga broja potvrđeno i pozitivno preinačeno 619 predmeta (583 potvrđeno i 36 pozitivno preinačeno), a ukinuto je 38 predmeta, iz čega proizlazi da je udio potvrđenih odluka izražen u procentima 94,2%, a što nedvosmisleno dovodi do zaključka da se radilo o izuzetno visokom kvalitetu rada sudija u proteklom izvještajnom periodu.

U toku izvještajnog perioda od strane prekršajnih odjeljenja za ovaj izvještajni period izdato je ukupno 14.491 uvjerenje iz oblasti prekršaja, a za šta je naplaćeno takse u iznosu od 195.000 KM. ■

Odjeljenje registra za upis pravnih lica

(Ostvarena norma 146,90%)

Na početku izvještajnog perioda 01.01.2011. godine, u ovom sudskom odjeljenju bilo je 308 neriješeni predmeta, a do kraja izvještajnog perioda zaprimljeno je 4.254 nova predmeta, tako da je u radu bilo ukupno 4.562 predmeta, što je manje za 420 predmeta u odnosu na izvještajni period za 2011. godinu. Od 4.562 predmeta u radu riješeno je 4.231 predmet tako da zaostatak na kraju izvještajnog perioda iznosi 331 neriješen predmet, što je u odnosu na isti izvještajni period za 2011. godinu više za 32 neriješena predmeta. Iz navedenog proizlazi da nije savladan priliv za 23 predmeta, a što je posljedica odsustva s posla jednog sudije duže od sedam mjeseci, tako da je odjeljenje ostvarilo prednji rezultat radeći sa troje sudija.

Kod osnivanja subjekta upisa smanjen je broj dana potrebnih za upis osnivanja i to na 10,24 dana što je do sada najkraći period rješavanja predmeta po ključcima od početka vođenja Glavne knjige registra u



▲ Subhija Hodžić,
sutkinja Općinskog suda u Sarajevu

elektronskom obliku. Za upis osnivanja po urednim prijavama upisan je 221 subjekt, a koji su registrovani u roku od 3,27 dana. Ovo znači da je po urednim prijavama rok za registraciju osnivanja subjekata upisa kraći za nešto manje od dva dana od propisanog zakonskog roka koji iznosi pet dana.

U ovom Odjeljenju se vodi i Registar političkih stranaka pod oznakom F1 i u izvještajnom periodu zaprimljeno je 23 predmeta pa je sa brojem neriješenih od tri predmeta iz prethodnog izvještajnog perioda, ukupno bilo u radu 26 predmeta, od čega je riješeno 25, tako da je na kraju izvještajnog perioda ostao neriješen svega jedan predmet.

Uspjeh u radu ovog Odjeljenja se ogleda i u segmentu izdavanja izvoda, potvrdi i uvjerenja od strane pisarnice. U tom dijelu, dobrom organizacijom pisarnice i raspodjele posla te pod nadzorom rukovodioca službe, došlo je do smanjenja zaostataka i skraćivanja roka za izdavanje izvoda, potvrdi itd., a na šta ukazuju statistički podaci na RegZ referatu gdje je na početku izvještajnog perioda bio 21 predmet, dok u toku izvještajnog perioda primljeno je 6.971 predmeta, tako da je ukupno u radu bilo 6.992 predmeta (što je više za 104 predmeta u odnosu na prethodni izvještajni period). Od tog broja je riješeno 6.970 predmeta, tako da je ostalo neriješeno 22 predmeta, što ukazuje na dnevnu ažurnost.

U pogledu kvaliteta rada, rezultati pokazuju sljedeće: Od ukupno 33 predmeta po žalbi, sa Kantonalnog suda u Sarajevu vraćeno je 29 predmeta riješenih po žalbi i to 21 odluka ovog suda je potvrđena, a osam odluka je ukinuto, dok nijedna odluka nije preinačena

U skladu sa prethodnim, značajno je istaći da je ostvaren i prebačaj u ostvarivanju plana rješavanja starih predmeta koji su stariji od šest mjeseci jer je takvih neriješenih predmeta 32 što je manje za 14 predmeta u odnosu na prethodni izvještajni period.

Za navedeni izvještajni period norma u Odjeljenju iznosi 146,90%, a što ukazuje na dodatne napore u cilju ažuriranja Registra poslovnih subjekata i da bez takvog angažmana sudija se ne bi pokrio period od više od sedam mjeseci odsustva jednog sudije zbog bolovanja. Radi boljeg sagledavanja uspjeha u radu ovog Odjeljenja i smanjenu ukupnog broja neriješenih predmeta, kao i u rješavanju starih predmeta, treba istaći i uporedne podatke o broju predmeta u drugim sudovima na području FBiH:

- Ukupno zaprimljenih prijava za upis osnivanja društava u registar poslovnih subjekata u FBiH u periodu za 2012. godine bilo je 10.606 (za svih 10 registarskih sudova), od čega je samo u ovom sudu zaprimljeno 4.158 prijava, što znači da je gotovo 39.2% od ukupno zaprimljenog broja predmeta zaprimljeno u Općinskom sudu u Sarajevu;

- Ukupno je registrovano u Federaciji BiH 1.348 poslovna subjekata, od čega u ovom sudu 501, odnosno 37,16 % od ukupno registrovanih u FBiH.

Prosjek registracije upisa osnivanja subjekata i upisa promjena u registar u slučajevima kad je trebalo otkloniti nedostatke u prijavi kod ovog suda je 10,24 dana, što je za tri dana manje od prosjeka u registarskim sudovima FbiH koji iznosi 13,68 dana.

Imajući u vidu prethodno opća ocjena za rad odjeljenja bi u svakom slučaju trebala biti naročito uspješno. ■

Zemljišnoknjižno odjeljenje

(Ostvarena norma 93,65%)

U Zemljišnoknjižno odjeljenje Općinskog suda u Sarajevu je u 2012. godini zaprimilo **26.334 DN** predmeta te je sa zaostatkom od 94 predmeta iz prethodne godine ukupno u radu bilo je **26.428 DN** predmeta i to 18.829 predmeta K KU i 7.599 predmeta K PU. Od tog broja urađeno je **26.347** predmeta tako

da je sa 01.01.2013. godine ostalo neurađenih svega **81 DN** predmet od čega 65 K KU i 16 K PU predmeta.

U istom periodu zaprimljeno je 70.408 zahtjeva za izdavanje zemljišnoknjižnih izvadaka, 907 zahtjeva za izdavanje zemljišnoknjižnih izvadaka sa historijatom i 5.923 RZ-ova (raznih zamolnica-obavještenja, uvjerenja, potvrda i sl.) i po svim zahtjevima je postupljeno. Kako u Zemljišnoknjižnom odjeljenju trenutno radi 31 stručni saradnik za vođenje zemljišnih knjiga/zemljišnoknjižni referent, u protekloj godini po uposleniku je bilo zaprimljeno 3.344 zahtjeva, a svaki uposlenik završio je 3.322 zahtjeva.

Prethodno iznesene činjenice da je od sveukupnog broja zahtjeva (DN-ova, RZ-ova i Nar-ova) koji su bili u radu 2012.godini (ukupno 103.666) ostalo neriješeni samo 81, su potvrda da je Zemljišnoknjižno odjeljenje Općinskog suda u Sarajevu ne samo zadržao postignut stepen ažurnosti već je i dalje skratio rokove uknjižbe i izdavanja ZK izvadaka.

U Zemljišnoknjižnom odjeljenju Općinskog suda u Sarajevu upotrebom programa CLIO završeno je i skeniranje starih zemljišnih knjiga što omogućava da se zainteresovanim strankama koje traže uvid u zemljišnu knjigu kao i historijati upisa, brzo i jednostavno mogu dati potrebne informacije i ispisani historijati. ■



Odjeljenje za sporove male vrijednosti - Ilidža (Ostvarena norma 179,89%)

Broj neriješenih predmeta na početku izvještajnog perioda iznosio je 135.783, dok je broj primljenih predmeta u toku izvještajnog perioda iznosio 37.076. Ukupno uradu je bilo 172.859, dok je neriješenih ostalo 140.755 predmeta.

U toku proteklog perioda unosom kroz CMS sistem u radu kod stručnih saradnika je bilo 41.491 sudski predmet, dok je manuleni ukupno bilo 7.434. Predmeta koji su na „čekanju“, tj. za signiranje stručnim saradnicima ili za unos kroz CMS sistem, bilo je 91.830.

Dakle, početak 2013. godine obilježen je velikim brojem nezavršenih predmeta te veoma malim brojem stručnih saradnika na ovom referatu u odnosu na količinu predmeta na odjeljenju. Donacijom Vlade Norveške drugi sprat hotela Green je renoviran (20 kancelarija + sudnica) pa je početkom 2011. godine formirano jedinstveno Odjeljenje za sporove male vrijednosti sa 19 stručnih saradnika, međutim, već duže vrijeme na Odjeljenju radi samo 11 stručnih saradnika. Svaki stručni saradnik u svom referatu trenutno ima 11.729 spisa sa tendencijom svakodnevnog sve većeg priliva (radi se o spisima u CMS sistemu i manuelnim spisima). Mjesečno svaki stručni saradnik dobije 600 novih spisa koje odmah stavljaju u rad. Dakle, stručni saradnici savjesno i profesionalno obavljaju ogroman posao i pored toga što su svi zabrinuti za svoj status s obzirom na trenutnu zakonsku regulativu, a što rezultati ovog odjeljenja govore sami za sebe. Referati stručnih saradnika koji više ne obavljaju tu funkciju „zamrznuti“ su, a spisi koji ne smiju biti na čekanju presigniraju se, i pored gore pomenutog broja spisa u referatima, na preostale stručne saradnike.

Stručni saradnici, imenovani od strane Visokog sudskog i tužilačkog vijeća BiH, u sudovima Federacije BiH, direktno primjenjuju sudsku vlast i neposredno donose odluke u određenim vrstama predmeta. Godine 2006. su izvršene izmjene i dopune zakona o parničnom, vanparničnom i izvršnom postupku tako što je stručnim saradnicima omogućeno samostalno postupanje (vjerodostojna isprava, ostavinski postupak te Mal i Mals predmeti vrijednosti do 3.000 KM). Smisao ovog prethodno pomenutog je bio da se sudije rasterete tzv. komunalnih i posvete složenijim predmetima.

Bosna i Hercegovina je trenutno suočena sa značajnim problemom rješavanja broja zaostalih predmeta, od kojih su gotovo 65% predmeti u „nadležnosti“ stručnih

saradnika. Stručni saradnici pružaju ključni doprinos u naporima sudskog sistema da u što kraćem vremenu procesuiraju najveći broj predmeta. Pri tome, stručni saradnici u procesuiranju predmeta iskazuju izvanredne rezultate iskazane u prebačanju normi (preko 200%), u komuniciranju sa strankama, primjeni novih IT metoda (CMS), prihvatanju primjene novih instituta koji će doprinijeti jačanju pristupa pravdi (kao što je medijacija i drugo).

S obzirom da je uvođenjem KODIFEL-a problem s izvršenjima po vjerodostojnoj ispravi barem prividno riješen, ostaje problem MAL-a i MALS-a kojih neriješenih predmeta u ovom trenutku na ovom odjeljenju je 140.755. Formiranjem ovog Odjeljenja stručni saradnici su Mal predmete koji su redovno primani i „skladišteni“ ali ne i signirani, u toku 2011. godine „čistili“ predmete zaprimljene 2006. godine. Mals predmeti su redovno unošeni i signirani jer se radi o privrednim društvima. Ujedinjenjem Mal i Mals referata broj predmeta po osobi drastično se povećao. Razlozi za povećanje su: retroaktivno (zajedno s novopristiglim) unošenje spisa u CMS; konstantno nedovoljan broj stručnih saradnika i pratećeg osoblja. Nedostatak bilo kakve strategije/plana za rješavanje ovog, vjerovatno najvećeg problema, Općinskog suda u Sarajevu doveo je do nekontrolisanog priliva ogromnog broja predmeta.

Od 01.12.2012. godine prestao je mandat za pet stručnih saradnika. Dvije stručne saradnice su u toku 2012. godine dodijeljene odjeljenju na Grbavici. Jedna stručna saradnica je u toku januara 2013. godine, a prema naredbi uprave suda, poslata Vanparničnom odjeljenju. Jedna stručna saradnica se još uvijek nalazi na trudničkom bolovanju. Jedna stručna saradnica uskoro ide na porodiljsko odsustvo. U osmom mjesecu 2013. godine za dva stručna saradnika prestaje mandat. Pri tome se ne uzima u obzir da nikakav, pa ni najmanji napor, nije u uložen kako bi se barem pokušao riješiti problem sa prestankom mandata za pet stručnih saradnika; nerazumijevanje da se na ovom odjeljenju 90% predmeta završava procesno i da stručni saradnici dobiju dnevno 30-40 novih predmeta.

Pored obavezne obuke koju stručni saradnici imaju u organizaciji CEST-a, interes i potreba za proširenom (dodatnom) i organiziranom edukacijom za određene vrste sporova i primjene procesnog zakona koja se ogleda primarno u nastojanjima stručnih saradnika da odgovore na kvalitet postavljanih zadataka, naročito kada se ima u vidu neujednačena sudska praksa i pravna nesigurnost, a u konačnom, da dodatnom edukacijom unaprijede svoje znanje i vještine, sve u cilju digniteta sudijske funkcije i unapređenja pravosudnog sistema u cjelini, dakle, i pored broja spisa kojima su

opterećeni u svom radu ovi mladi ljudi su poslali prijedlog projekta saradnje Centru za edukaciju sudija i tužilaca F BiH i Udruženju građana Atlantske Inicijative iz Sarajeva koji je odobren od strane CEST-a. U okviru svoje aktivnosti DCAF i Udruženje građana Atlantske Inicijative iz Sarajeva već je u par navrata održavalo okrugle stolove na temu rod i reforma. Delegacija Evropske Unije u BiH te USAID su izrazili spremnost i posjetili ovo Odjeljenje radi upoznavanja s napretkom reformi neophodnih za daljnje usklađivanje pravosuđa u BiH sa relativnim propisima i standardima EU, kojom prilikom su upoznati sa „statu- som“ stručnih saradnika u Općinskom sudu u Sarajevu. Predstavnici KYODO početkom 2013. godine su održali preznatciju amandmana i preporuka na BiH Zakonodavstvo. ■

Izvršno odjeljenje po vjerodostojnoj ispravi (Ostvarena norma 1.189,21%)

Na početku 2012. godine stručni saradnici i uposlenici pisarne Izvršnog odjeljenja po vjerodostojnoj ispravi su u konsultacijama sa predstavnicima Uprave suda izradili prijedlog Plana prioriteta rada sa mjerama i aktivnosti za poboljšanje radnog procesa, koji je bio sastavni dio Akcionog plana aktivnosti Općinskog suda u Sarajevu za 2012. godinu. Odjeljenje je u 2012. godini nastavilo svoje uspješno višegodišnje poslovanje utemeljeno na dobrom organizovanju i upravljanju radnim procesima, pružanju kvalitetne servisne usluge strankama, ostvarivanju usvojenih planova rada i prebacivanjem predložene norme.



Jedan od pokazatelja uspješnosti rada Izvršnog odjeljenja po vjerodostojnoj ispravi je praćenje priliva predmeta, rješavanja zaostataka te ažurnost Odjeljenja pa se u tom kontekstu od početka 2012. godine po mjesecima prate naznačeni parametri.

Analiza statističkih pokazatelja na početku 2012. godinu pokazuje da se u radu odjeljenja nalazilo 649.276 predmeta. Prema istim pokazateljima u izvještajnom periodu zaprimljeno je 129.079 novih predmeta tako da je u radu Odjeljenja bilo ukupno 778.355 sudskih predmeta. Od tog broja u naznačenom periodu provedeno je i arhivirano 90.759 predmeta, dok je neriješenih ostalo 687.596 predmeta. Ukupna ostvarena norma u izvještajnom periodu, na nivou odjeljenja je 1.189,21%.

U izvršno odjeljenje po vjerodostojnoj ispravi Općinskog suda u Sarajevu trenutno su raspoređena dva stručna saradnika koji samostalno postupaju u sudskim predmetima te jedan pripravnik-volonter. Istekom perioda imenovanja od šest godina u decembru 2012. godine, prestao je mandat za dva stručna saradnika. U pisarnici ovog sudskog Odjeljenja trenutno je raspoređeno 16 službenika i namještenika.

U 2012. godini podignuta je kvaliteta rada, a što je vidljivo kroz rješavanje većeg predmeta u zakonskom roku te je nastavljeno daljnje popunjavanje stručnih kadrova.

Ukupno gledajući, ostvarili smo veliki napredak u organizaciji procesa rada, što je značajno uticalo na ostvarene rezultate Odjeljenja. Odjeljenje je tehnički opremljeno, uposlenici pisarne stručno obučeni i osposobljeni da odgovore postavljenim zadacima. Imamo visoko kvalitetan i iskusan tim, vrijedan kadar, čije će iskustvo i marljiv rad značajno uticati na ostvarivanje značajnih rezultata u pravosuđu.

Nastavljene su aktivnosti u saradnji sa predstavnicima „Projekta unapređenja pravosuđa“ Visokog sudskog i tužilačkog vijeća Bosne i Hercegovine na uvođenju u proces rada novih informacionih tehnologija koje će doprinijeti daljem, osavremenjavanju i postizanju većih rezultata rada odjeljenja.

Unatoč visoko razvijenoj tehnologiji koju u procesu rada koristi Izvršno odjeljenje po vjerodostojnoj ispravi, potrebno je naglasiti

da je nemoguće zamijeliti ili zanemariti ljudski faktor. Ostvareni rezultati primarno su izraz izuzetno uspješnog ljudskog potencijala ovog sudskog odjeljenja. ■





Općinski sud u Sarajevu



Општински суд у Сарајеву

